



Broj: 04-23-2435-13/23 KM
Sarajevo, 20.02.2023. god.

**SKUPŠTINA KANTONA SARAJEVO
SARAJEVO**

PREDMET: Odgovor na „Zastupničku inicijativu“

U prilogu dopisa dostavljamo Vam odgovor na pokrenutu zastupničku inicijativu na 3. Radnoj sjednici Skupštine Kantona Sarajevo održanoj dana 27.01.2023. godine, a od strane zastupnika Adi Kalema.

Pitanje:

"Pokrećem inicijativu za produženje linije voza na relaciji Sarajevo – Pazarić – Raštelica.

Obrazloženje:

Naime, nakon više obraćanja građana sa područja Tarčina i Raštelice (Općina Hadžići) i službenog dopisa br. 09/4-19-4-15/23 od 16. 01. 2023. godine Ministarstvu saobraćaja KS i JP Željeznice FBiH d.o.o. Sarajevo predsjednika MZ Raštelica, gosp. Almira Husanovića, neophodno je da Vlada KS produži pomenutu liniju do Raštelice. Obzirom da se radi o kraju kantona i populaciji građana koji često koriste javni prijevoz, te zbog ne redovnosti autobusnog saobraćaja, pogotovo u zadnje vrijeme ne saobraća autobus Ilidža – Tarčin – Vukovići, neophodno je unaprijediti mogućnost izbora prilikom odabira javnog prijevoza putnika građanima Općine Hadžići. Također, moram napomenuti da su se nakon izgradnje dionice autoputa Tarčin – Ivan sedlo i puštanja iste u promet, stvoreni su svi preduslovi da se stanica u Raštelici koristi u punom kapacitetu. Također, u sklopu ove inicijative, zamolio bih da se otvore novo stajalište u naselju Krupa i obnovi stajalište u Luka/Sivice kako bi građani nesmetano ulazili i izlazili iz voza."

Odgovor :

Ministarstvo saobraćaja Kantona Sarajevo uputilo je zahtjev, prema JP Željeznice FBiH d.o.o. Sarajevo, da dostavi informaciju da li postoje tehnički i organizacijski uslovi za produženje linije željezničkog putničkog saobraćaja, koja se trenutno održava na relaciji Željeznička stanica Sarajevo – Hadžići – Pazarić, u smislu da se ista eventualno održava na relaciji Željeznička stanica Sarajevo – Hadžići – Pazarić – Raštelica. Pored toga zatraženo je da se dostavi i da li postoje tehnički i organizacijski uslovi za utvrđivanje novog stajališta na lokaciji naselja Krupa te da se obnovi stajalište Luke/Sivice. Gore navedeno je neophodno da bi se razmotrila mogućnosti daljeg postupanja po istom.

S poštovanjem.

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva

